

KALAT'A MOSE NABOSO NI BELABE NÁ

BEBOTEDI

Wekabę la wase

1 O bebotedi Loba a weki moń na wase. 2 Nde wase e ta nuba, e be pe na wom. Mwititi mu ta mu kudu-manę wase; nde Mudı ma Loba mu ta mu sanjamę omoń a madiba.

3 Na Loba a kwala na: Esele mweneń mu be! Na mweneń mu timba be.

4 Nde Loba a ta ene ná mweneń mwe bwam. Na Loba aba mweneń na mwititi. 5 Na Loba a bele mweneń ná mwese, mwititi pe ná bulu. 'Wa nde ebiamu e timbingo be, na idiba pe: buńa bo londe baboso bo.

6 Na Loba a kwala na: Esele dibobe di be oteten ibanę ya madiba, jabe madiba.

7 Na Loba a weka dibobe la moń, aba madiba me owas'a dibobe na madiba me omoń a dibobe. Na mo e be nika.

8 Na Loba a bele dibobe ná moń. 'Wa nde ebiamu e timbingo be, na idiba pe: buńa bo londe miba bo.

9 Na Loba a kwala na: Esele madiba me owas'a moń ma kotome wuma iwo, ná mińangadu myanji mi buse. Na mo e be nika. 10 Na Loba a bele mińangadu myanji ná mudi, madiba ma kotom pe ná munja. Na Loba ene ná nika ne bwam.

11 Na Loba a kwala na: Esele mudi mu pumele bewudu na mbota i mabole mbolako ao yeno. Na mo e be nika.

12 Na mudi mu pumele bewudu na mbota i mabole mbolako kaponda nai te na myele mi maye bepuma bena oteten ao nde mbolako ao yeno kaponda nai te. Na Loba ene ná nika ne bwam. 13 'Wa nde ebiamu e timbingo be, na idiba pe: buńa bo londe milalo bo.

14 Na Loba a kwala na: Esele betrukań be be o dibobe la moń o jaba mwese na bulu, ná be be ka byemban o leę midiyo ma ponda, mińa na mbu, 15 ná be be ka betrukań o dibobe la moń

o bola mweneń o wase. Na mo e be nika. 16 Na Loba a weka betrukań bendene beba: endene o janea mwese, esadi pe o janea bulu; a weka pe na ngengeti. 17 Na Loba a tepe mo o dibobe la moń o bola mweneń o wase, 18 o janea mwese na bulu na o jaba mweneń na mwititi. Na Loba ene ná nika ne bwam. 19 'Wa nde ebiamu e timbingo be, na idiba pe: buńa bo londe minei bo.

20 Na Loba a kwala na: Esele madiba ma londe na bewekedi be ben longę, lonon pe lo pumwe o moń owas'a dibobe.

21 Na Loba a weka nam'a madiba indene na bewekedi ba longę bepe be matuse nolo bena be londi o madiba na pum kaponda nai te na lonon la mapupulan lese kaponda nai te. Na Loba ene ná nika ne bwam. 22 Na Loba a namse mo, a kwala na: Bińo be yadi, lo tonde, lo londe o madiba ma munja; lonon pe lo tonde o wase. 23 'Wa nde ebiamu e timbingo be, na idiba pe: buńa bo londe mitanu bo.

24 Na Loba a kwala na: Esele wase e busise bewekedi be ben longę kaponda nai te: byembe, nama i mongę mańolo wase na nam' eyidi kaponda nai te. Na mo e be nika. 25 Na Loba a weka nam'eyidi kaponda nai te, na byembe pe kaponda nai te na nama yese i mongę mańolo wase kaponda nai te. Na Loba ene ná nika ne bwam.

Wekabę la moto

26 Na Loba a kwala na: Esele biso di weke moto kaponda jenęne lasu, a be bowan na biso; a bene janea omoń a su'a madiba na lonon la moń na byembe na omoń a wase neęe na nama yese i mongę mańolo wase. 27 Na Loba a weka moto o bowan bao, kaponda bowan ba Loba nde a wekingo mo; a weki babo mome na muto. 28 Na Loba a namse babo, mo na babo na: Bińo be yadi, lo tonde, lo londise wase, lo sibise pe mo

BEBOTEDI 1, 2, 3

owas'afu; lo beŋe janea omoŋ a su'a madiba na omoŋ a lonŋ la moŋ na omoŋ a ŋama yeŋe i matuse ŋolo o wase.

29 Na Loba a kwala na: Ombwa, na boli biŋŋ mbota yeŋe i mabole mbolako yena ye o wase ŋese na myele myeŋe mi maye bepuma bena oteten ao nde mbolako yeno; man nde me biŋŋ da. 30 Nde ŋam'eyidi yeŋe na lonŋ la moŋ leŋe na meŋe ma moŋge maŋolo o wase, meŋe ma ben mudu ma longe oteten ao, na boli mo bewudu ba peŋa beŋe ka da. Na mo e be nika.

31 Na Loba ombwa mambo meŋe a weking, nde ombwa, ma ta bwam bwambi. 'Wa nde ebiamu e timbinge be, na idiba pe: buŋa bo londe mutoba bo.

2 Nika so nde moŋ na wase ba boŋeno wekabę na mamuti mao meŋe. 2 O buŋa bo londe samba na Loba a domŋe ebol'ao a bolino; na mo a wumŋe o buŋa bo londe samba oŋol'ebol'ao yeŋe a bolino. 3 Na Loba a namŋe buŋa bo londe samba, a sangise mo; ebanja oten nde a wumŋeŋo oŋol'ebol'ao yeŋe a wekiŋo, a domŋeŋo pe.

Mōnda ma Edeŋ

4 Bebotedi ba moŋ na wase, kana ba wekabęŋo, be nde ninka: Ponda Yehova Loba a wekiŋo moŋ na wase, 5 ke to dibunje l'ebongo di si busi o wase, ke to bewudu pe be si pumedi; ebanja Yehova Loba a si ta a mayoliŋe mbua o wase, to moto pe a si ta o sa miŋangadu; 6 nde mbā e ta e busa o wase, e sopise moŋ a miŋangadu ŋese. 7 Na Yehova Loba a weka moto na miŋangadu a nonging o wase, a wungea mudi ma longe o njongo ao ya mpemba, na moto a timba mudi ma longe.

8 Na Yehova Loba a pongo mōnda la jedu o Eden, na mo a jeŋe moto a wekiŋo oten. 9 Na Yehova Loba a pumele ŋai na ŋai a myele o miŋangadu, i ta i doŋo o jombwa, bepuma bao pe bwam o da, bwele ba longe pe oteten a mōnda na bwele ba dibię la bwam na la bobo. 10 Nde moŋi mu ta mu busa o Eden o sopise mōnda, na mo mwabanę myopi minei oten. 11 Maboso dina lao ná Pison; mo nde mu dingele ekombo a Havila yeŋe, wuma gol ŋeno; 12 gol a y'ekombo ŋe bwam; oten pe nde ibaŋ Bedolak na dale la tiki Soharn beŋo.

13 Moŋi mu londe miba dina lao ná Gihon; mo nde mu dingele ekombo a Kus. 14 Moŋi mu londe milalo dina lao ná Hidekel; mo nde mu monde o jedu la Asiria. Moŋi mu londe minęi dina lao ná Eufurat.

15 Na Yehova Loba a nongo moto, a jeŋe mo o mōnda ma Eden o pongo mo na tata mo. 16 Na Yehova Loba anea moto, a kwala na: We wonja o da bepuma ba myele myeŋe mye o mōnda; 17 nde ba bwele ba dibię la bwam na la bobo o si da mo: ebanja buŋa o madano mo o mawo.

Tęsębe la diba

18 Na Yehova Loba a kwala na: E titi bwam ná moto a be musoŋki; na mawekea mo mongwanedi ŋena ŋangamen mo. 19 Na Yehova Loba a wekanę ŋam'eyidi yeŋe na lonŋ la moŋ leŋe miŋangadu, a wanea mo moto o jeŋe ŋeni eno ná a bola mo mina; ná to njika dina moto a mabolano eweked'a longe te, mo nde di mabe dina lao. 20 Na moto a posea byembe beŋe mina na lonŋ la moŋ leŋe na ŋam'eyidi yeŋe; nde oŋola moto a si soi mongwanedi ŋangamen mo. 21 Na Yehova Loba a bola ná iyo yaleyę moto na ŋniŋa, na mo a ko iyo na tum; na mo a nongo mbanj'ao po, a diba pe wa wuma n'eyobo. 22 Na Yehova Loba a weka muto na mbanja a nonging o ŋol'a moto, na mo a wanea moto mo. 23 Na moto a kwala na: Nun so nde e ewes'a bewese bam n'eyobo a eyobo am; a mabelabe nde ná muto, ebanja a nongobe nde o ŋol'a moto.

24 Oŋola nika moto a mende dia sango na ŋango, a tingame na munj'ao; nde ba mende nde be eyobo ewo.

25 Nde babo babanę ba ta nde musamba, moto na munj'ao, nde ba si ta ba bwane nika ison.

Ko la bobo

3 Nde ŋama-bwaba e ta misomba buka ŋam'eyidi yeŋe yena Yehova Loba a wekiŋo. Na mo e kwalanę muto na: Obwa, Loba a kwali na mbale na: Lo si da ŋai a myele yeŋe ye o mōnda e? 2 Na muto alabe ŋama-bwaba na: Je wonja o da bepuma ba ŋai a myele ma mōnda yeŋe; 3 nde oŋola bepuma ba bwele bo tem oteten a mōnda, Loba a kwali na: Biŋŋ lo si da mo, lo si tapa